



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 2. Vtru[m] votu[m] solemne castitatis hanc vim dirimendi matrimonij
habeat lure diuino, an dumtaxat Ecclesiastico.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

uit; sed nō posse inter eos ius matrimonij conitare. Secundō, quia iubet eos excommunicari; nempe, quia in peccato manent donec separentur. Tertiō, quia Concilium Triburicense can. 23. allegat hunc Canonem, vt probet non esse verum matrimonij quod post votū solemnē contrahitur. Concilium Toletanū IV. ante annos 930. can. 51. iubet Monachos, qui vxores acceperunt, reduci in monasterium, & p̄nentia deputari. Concil. Turonicū can. 16. iubet Monachum, qui vxorem duxerit, etiam auxilio iudicis secularis ab ea separari. Idē sanxit Concil. Foroiuliense de sacris Virginibus. Denique Concilium Tridentinum sess. 24. can. 9. Si quis dixerit Clericos in sacris Ordinibus cōstitutos, vel Regulares castitatem regulariter professos, posse validē matrimonium contrahere, contrārumque validum esse, non obstante lege Ecclesiastica, vel voto; anathema sit.

146
Pontifices. Probatur Secundō: Ex Pontificibus. Siricius Pap. epist. 1. c. 6. iubet Monachos & Virgines sacras, si matrimonium contraxerint, excommunicari, & perpetuo in carceribus poenitentiā agere. Innocentius I. epist. 2. c. 12. dicit eam, que velum sacram accepit, & postea nupsit, non posse admitti ad p̄nentiam, nisi separetur. Gregorius I. lib. 1. Epistol. 40. dicit Monachos, qui vxores duxerunt, separando esse à coniugib⁹, & ad monasteria reducendos. Posteriorū Pontificū decreta vide in Tit. Quā Clerici vel videntes. & Cap. Menimius. & Cap. Inſinuate. & Clementina De cōfanguinitate & affinitate, vbi excommunicantur Clerici, Monachi, & Monachae nuptias contrahentes.

147
Patres. Probat Tertiō: Ex P̄tribus. Cyprian. Basilius. Ambros. Cyprianus lib. 1. epist. 11. vocat matrimonium sacrarum virginū, incestam coniunctionē, & vocat illas adulteras Christi: sentit ergo non esse matrimonium. Basilus lib. de Virginitate paulo post medium, dicit virginē sacram, qua Deo virginitatem professa est, per nullam legem dici posse vxorem eius, cui se, deserto sponso Christo, libidine incitata coniunxit. Ambrosius lib. ad Virginem lapsam: Que se spopondit Christo, & sacram velamen accepit, iam nupsit; & si voluerit nubere communī legē coniugij, adulterium perpetrat. Idem docent alij Patres.

D V B I V M . II.

Vtrūm votum solemnē Castitatis hanc vim dirimendi matrimonij habeat Iure diuino, an dumtaxat Ecclesiastico?

148
Quidam adscribunt Iuri diuino.

M Vlti existimant habere Iure diuino. Diuus Thomas q. 55. a. 2. Bonaentura, Richardus, Durandus, Dom. Sotodist. 38. Fundamentum ipsorum est: Quia votum solemnē est traditio sui in potestatem Christi, quam traditionem Christus per Ecclesiam acceptat. Quò fit, vt ille non amplius habeat sui corporis potestatem, sicut nec is qui se coniugi tradidit per matrimonium. Vnde inferunt Pontificem in solemnī voto non posse dispensare.

Verius est id ēcē ex Iure Ecclesie.

Sed longē verius est, votum solemnē hanc vim habere ex sola Ecclesiastica constitutione. Est communis sententia Canonistarum teste Panormitanō in Capitulum Rurſus, Qui Clerici vel videntes. Scoti dist. 36. & 38. Paludani dist. 38. qu. 1. art. 2. & qu. 4. Caetani 2. 2. quāst. 88. art. 7. & multorum hoc tempore.

149
Probatur Primo: Quia solemnitas voti sola

Ecclesiastica institutione inuenta est; vt ait Bonifacius VIII. Capitulo Quid votum. & Greg. XIII. in constit. Ascendente Domino. Atqui solemnitas voti continet in hoc cōsistit, quod homo se ita Deo consecret & tradat per illud, vt nullo modo ad matrimonij statum fit habilis: ergo si solemnitas est ex sola Ecclesiastica constitutione, etiam vis dirimendi matrimonij, quę est in illo voto, ex Ecclesiastica constitutione erit.

Probatur Secundō: Quia non idē voto solemnē dirimit, quod sit traditio sui, vt ipsi volunt: nam etiam voto simplex castitatis est traditio sui, præsertim dum acceptatur a Prælato: non enim est promissio de futuro, sed donatio de presenti, quę h̄c non differt a traditōne. Promittere enim castitatem, est ex hoc tempore, omne commercium carnale repudiare, suumque corpus Christo consecrare. Vnde ijdē verbis voto simplex sit, quibus solemnē.

Probatur Tertiō: Quia voto solemnē, quod emittunt ordinandi, est etiam traditio sui, & tamē non dirimit Iure diuino matrimonium, vt ipsi saltentur, sed tantum Ecclesiastico. Vnde concedunt Pontifices in eo posse dispensare ergo fundatū ipsorum destruitur: nempe voto solemnē ideireō iure diuino matrimonium dirimere, quod sit traditio sui. Respondeat Dom. Sotus Pontificē idē posse dispensare in voto solemnē sacerorum Ordinum, quod hoc voto non sit Iure diuino annexum Ordini sacro, sed solum Ecclesiastico precepto: Voto autem solemnē castitatis Regularium, sit iure diuino statui Regularium annexum. Sed hinc solum sequitur, Pontificem posse dispensare, vt aliquis sit Sacerdos, qui castitatem nō voleat; non autem, vt possit esse Religiosus sine hoc voto: non autem sequitur, Pontificem non posse dispensare in voto istius hominis, quo Religiosus est, (etsi tunc Religiosus esse definit) sicut potest dispensare in voto Sacerdotis. Si enim in hoc potest, cur non etiam in illo: cum vtrumque sit votū solemnē, vtrumq; sit traditio sui, vtrumque ab Ecclesia sit acceptatum.

Nec obstat Capit. Cām ad monasterium, de statu Monachorum, vbi dicitur, Custodia castitatis adē est annexa regula monachali, vt contra eam nec summus Pontifex posse licentiam indulgere: hoc enim intelligendum est de eo, qui manet Monachus, retinetq; monachalem statum. Fieri enim nequit, vt talis nō teneatur ad castitatem. Mirum est Sotum hoc Capitulum pro se adducere, cūm idem ibidem dictur de abdicatione proprietatis: & tamen ipse sep̄ docet, Monachum si fiat Episcopus, vel è monasterio ob sua delicta expellatur, non teneri amplius seruare paupertatem. Vnde illum lib. 10. de Iustitia, quāst. 5. art. 7.

Denique fieri potest Pontificis cōstitutione, vt etiam voto simplex matrimonium dirimat. Pater ex Conſtit. Gregorij XIII. Ascendente Domino. Vnde sequitur etiam voto solemnē ex eādem constitutione vim dirimendi matrimonij habere.

D V B I V M . III.

Vtrūm Ordo sacer sit impedimentū dirimens?

R Espondeo: Ordo sacer est impedimentum dirimens matrimonium, idque certa fide te-
nendum: nam expressè definitur in Concilio Tri-
dent, sess. 24. can. 9. Probatur ex decreto Callisti I.
circa 1520.